

**KANTONALNO JAVNO KOMUNALNO  
PREDUZEĆE „RAD“ D.O.O. SARAJEVO**

**PRAVILNIK O IZMJENAMA I DOPUNAMA PRAVILNIKA O UPOTREBI I  
KORIŠTENJU SLUŽBENIH I SPECIJALNIH VOZILA U KJKP „RAD“  
D.O.O.SARAJEVO**

Sarajevo, juli 2025. godine

Na osnovu člana 30. Statuta KJKP „RAD“ d.o.o. Sarajevo, broj: 1498/23 od 20.01.2023. godine, Odluke o izmjeni i dopuni Statuta KJKP „RAD“ d.o.o. Sarajevo broj: 01SP-12375/24 od 01.10.2024. godine, Pravilnika o upotrebi i korištenju službenih i specijalnih vozila u KJKP „RAD“ d.o.o. Sarajevo broj 16575/22 od 08.09.2022. godine, Nadzorni odbor na sjednici održanoj dana 30.06.2025. godine donosi,

## **PRAVILNIK O IZMJENAMA I DOPUNAMA PRAVILNIKA O UPOTREBI I KORIŠTENJU SLUŽBENIH I SPECIJALNIH VOZILA U KJKP „RAD“ D.O.O. SARAJEVO**

### **Član 1.**

Mijenja se član 2. stav 2) Pravilnika o upotrebi i korištenju službenih i specijalnih vozila u KJKP „RAD“ d.o.o. Sarajevo i sada glasi:

*“ 2) Službena specijalizovana vozila u smislu ovog pravilnika su teretna vozila, vozila za specijalizovane namjene, koja se koriste za prikupljanje i prevoz komunalnog otpada, za prevoz građevinskog materijala na gradilište i sa gradilišta, za prevoz radnih mašina, za prevoz automobila po nalogu policije ili nezakonitog korištenja parking prostora, vozila za prevoz tehnološke vode za pranje ulica, vozila za rad zimske službe, vozilo za prevoz goriva i maziva, radne mašine na Deponiji te druga specijalizovana vozila koja se koriste za redovno obavljanje poslova Preduzeća. Građevinske mašine su mašine koje se koriste u iskopavanju, transportu, utovaru zemljišta i drugih mašina. Glavni dijelovi svake građevinske mašine su šasija, pogonski motor, sistem za kretanje, točkovi i/ili gusjenice i radni dio ili organ (kašika, sanduk, raonik).”*

### **Član 2.**

U članu 3. Pravilnika o upotrebi i korištenju službenih i specijalnih vozila u KJKP „RAD“ d.o.o. Sarajevo, mijenja se na način da se stav 1) i stav 2) brišu i dodaje se novi stav 1) i isti sada glasi:

*„1) Direktor ima pravo na korištenje službenog putničkog vozila Preduzeća dvadesetčetiri sata 7 dana u sedmici, u službene svrhe. Izvršni direktori imaju pravo korištenja službenih vozila za službena potrebe u toku radnog vremena, a van radnog vremena prema odobrenju Direktora, u službene svrhe“.*

U članu 3. Pravilnika o upotrebi i korištenju službenih i specijalnih vozila u KJKP „RAD“ d.o.o. Sarajevo stav 4) se briše.

U članu 3. stav 5) Pravilnika o upotrebi i korištenju službenih i specijalnih vozila u KJKP „RAD“ d.o.o. Sarajevo mijenja se riječ „Odluka“ i ista glasi „Saopštenje“.

### **Član 3.**

Mijenja se član 7. stav 5) Pravilnika o upotrebi i korištenju službenih i specijalnih vozila u KJKP „RAD“ d.o.o. Sarajevo, tako da isti sada glasi:

*“5) Prije početka korištenja vozila, radnik na radnom mjestu vozača ili drugi radnik dužan je da vizuelnim pregledom utvrdi da je vozilo bez vidljivih nedostataka i da je*

uputstva za korištenje vozila koje je propisao proizvođač ili stručna služba Radnik je dužan da koristi check listu za svako službeno vozilo ako je tako propisano od strane stručne službe. Stručna služba je dužna da donese pravilo korištenja svakog specijalizovanog vozila i građevinske mašine, koje će sadržavati neophodna uputstva za korištenje, kao i check listu, koja će se morati uredno popunjavati pri svakom korištenju specijalizovanog vozila i/ili građevinske mašine. U istoj mjeri mora biti jasno navedeno ime radnika koji je rukovao specijalizovanim vozilom ili građevinskom mašinom kao i vrijeme korištenja iste. Svaki kvar i oštećenje moraju biti jasno evidentirani u istoj sa jasno naznačenim vremenom, odnosno tačnom satnicom dešavanja kvara ili oštećenja. Svaki novi radnik koji koristi specijalizovano vozilo ili radnu mašinu obavezuje se na popunjavanje gore navedenog obrasca – check liste bez obzira da li se radi o istoj smjeni, sastavnoj posadi rukovaoca građevinske mašine ili specijalizovanog vozila.“

#### Član 4.

Mijenja se član 11. stav 1) Pravilnika o upotrebi i korištenju službenih i specijalnih vozila u KJKP „RAD“ d.o.o. Sarajevo, na način da se u stavu 1) iza riječi službe dodaje riječ „kao i na ostalim punktovima“.

#### Član 5.

Ovaj Pravilnik o izmjenama i dopunama Pravilnika o upotrebi i korištenju službenih vozila u KJKP „RAD“ d.o.o. Sarajevo stupa na snagu osmog dana od dana objavljivanja na oglasnoj tabli Preduzeća.

  
Predsjednik Nadzornog odbora  
[Redacted Signature]  
[Redacted Name]

Broj: 8218 /25  
Datum: 02.07. 25

Da je Pravilnik o izmjenama i dopunama Pravilnika o upotrebi i korištenju službenih i specijalnih vozila u KJKP „RAD“ d.o.o. Sarajevo objavljen na oglasnoj ploči KJKP „RAD“ d.o.o. Sarajevo dana \_\_\_\_\_ godine, ovjerava \_\_\_\_\_.